

„ŠKOLSKI ŠAPAT“



UČENIKA MJEŠOVITE SREDNJE ŠKOLE DOBOJ ISTOK

„Glas srednjoškolaca .Broj 2 .juni 2026“

OBIJELJEŽEN
DAN ŠKOLE

33
GODINE
POSTOJANJA
JUMŠ DOBOJ ISTOK

**NAŠ PONOS,
NAŠI MATURANTI!**



DODJELA PLAKETE UČENIKU GENERACIJE

Ponosimo se našim najboljim učenicom generacije koji je svojim znanjem, trudom i zalaganjem pozitivno predstavio našu školu.



NAŠA ŠKOLA, DOMAĆIN KANTONALNOG TAKMIČENJA U MALOM NOGOMETU



DODIJELA POSEBNIH PRIZNANJA
HARIS I HERMINE 1. MJESTO NA
KANTONALNOM TAKMIČENJU!!!



HUMANOST NA DJELU

Dobrovoljno darivanje krvi - jer malo pažnje čini veliku razliku.



PSIHOLOŠKI KUTAK: ZAŠTO SUMNJAMO U SEBE?

Savjeti koji pomažu da izgradimo više samopouzdanja.



ODRŽAN KVIZ OPŠTEG ZNANJA!!!



EKONOMSKA ŠKOLA
1. MJESTO NA
KANTONALNOM
TAKMIČENJU IZ
TRANSAKCIJA!!!

MOTIVACIJA I USPJEH
„Znanje je moć!“



OBIJELJEŽEN
DAN PLANETE ZEMLJE



INTERVJU S MATURANTIMA:
Šta planiraju oni koji odlaze?



SVJETSKI DAN
HIDŽABA &
AKTIVNOSTI ZA
RAMAZAN



PROMOCIJA
ŠKOLSKIH
NOVINA



ZABAVA
„Antistres kutak“...



MLADI KOJI STVARAJU : glas naše škole

Riječ članica novinarske sekcije : Više od običnog šapata

Dragi naši čitaoci, učenici, profesori, roditelji i svi prijatelji JU MSŠ Doboj Istok. Pred vama je **drugi broj „Školskog šapata“**, lista koji je mnogo više od običnog školskog projekta. On je ogledalo našeg rada, naših vrijednosti i svega onoga što nas čini ponosnim članovima ove zajednice. Dok smo listale stranice koje su pred vama, shvatile smo da naša škola ne pulsira samo kroz ocjene i zvono za kraj časa, već kroz dobra djela, kreativnost i hrabre planove za budućnost.

U ovom broju donosimo vam priče koje griju srce. Posebno smo ponosni na našu zajedničku humanost – priznanje koje je naša škola dobila od MFS-EMAUS-a nije samo papir na zidu, već dokaz da su naši učenici i profesori uvijek spremni pružiti ruku onima kojima je to najpotrebnije. Kroz tekstove o humanitarnoj reviji „Humanost je IN“, podsjećamo vas da mali koraci mogu napraviti veliku promjenu. Zavirili smo i u kutke naših tradicija i identiteta, obilježavajući „Svjetski dan hidžaba“ i aktivnosti tokom mjeseca Ramazana, slaveći različitost koja nas spaja. Ali, tu su i oni malo sjetniji trenuci – naši maturanti. Razgovarali smo s onima koji se spremaju zakoračiti u svijet odraslih. Njihovi planovi i snovi su inspiracija svima nama, ali i podsjetnik da vrijeme u školskim klupama leti brže nego što mislimo.

Vama dragi čitaoci, hvala što ćete izdvojiti vrijeme da čujete naš „šapat“. Nadamo se da će vas ovi tekstovi potaknuti na razmišljanje, izmamiti vam osmijeh i učiniti vas ponosnim što ste dio ove priče.

Uživajte u čitanju , baš onoliko koliko smo mi uživale stvarajući ovaj broj za vas !

Vaš „Školski šapat“...


Vrijedne članice novinarske sekcije,
i urednice „Školskog šapata“ br 2



Mi smo „Školski šapat“

Vrijedne učenice, članice
novinarske sekcije i urednice
Školskog šapata br. 2

DAN OSOBA SA INVALIDITETOM



21.03.2026 učenici su u našoj školi obilježili i Svjetski dan osoba sa **Down sindromom**, te su kroz razgovor, edukativne aktivnosti i simbolično nošenje šarenih čarapa iskazali podršku osobama sa Down sindromom...

03 decembra je obilježen **Dan osoba sa invaliditetom**. Tim povodom u našoj školi je defektolog Nejra Hadžić održala radionicu i prigodne prezentacije u odjeljenjima I5 i I1. Jedan dio njenog rada je ukazao na činjenicu da ovog dana posebno , a i inače svako od nas može doprinijeti stvaranju zajednice u kojoj se različitosti prihvataju, a prepreke uklanjaju. Tokom radionice, učenici su imali priliku upoznati se sa različitim vrstama teškoća, izazovima s kojima se osobe sa invaliditetom suočavaju, ali i mogućnostima i sposobnostima koje posjeduju. Pokazali su visok nivo zainteresovanosti i empatije.



HUMANOST UČENIKA NA DJELU



Učenice II5 Tekstilne škole i III1 Ekonomske škole dale su svoj doprinos, sa svojim kreacijama i proizvodima, humanitarnoj akciji, štíćenicima MFS EMMAUS-a, tj. osobama sa invaliditetom, koju je organizovao MFS EMMAUS Duje .Tom prilikom, predstavile su svoje kreativne proizvode , izrađene u okviru školskih radionica i vannastavnih aktivnosti. Učešćem na reviji i izlaganjem i prodajom svojih proizvoda , učenice su prikupljeni novac donirale kao doprinos humanitarnoj akciji , podržavajući osobe sa invaliditetom i šireći poruku solidarnosti i zajedništva.



Promocija školskih novina

U januaru 2026. godine izdat je prvi broj naših školskih novina. Iza svake stranice, svake vijesti i svake fotografije stoji ogroman trud vrijednih članica novinarske sekcije, koje su sedmicama marljivo radile, kako bi zabilježile duh naše škole. Iako je svaka karika u našem lancu važna, ovaj put moramo posebno istaknuti naše "motore" - Nerminu Šišić i Lamiju Nurkanović. Njihova posvećenost, kreativnost, i neumorni rad podigli su kvalitet naših novina na novi nivo.

**Promocija „Školskog šapata“ br.1
Čestitamo Lamija i Nermina !**



U januaru 2026 . g. izdat prvi broj školskih novina, "Školski šapat". Čestitke svim članicama novinarske sekcije !

**Nastavničko vijeće
pohvaljuje učenice i članice
novinarske sekcije za prvo
izdanje školskih novina!!!**



OBILJEŽEN „SVJETSKI DAN HIDŽABA“



02. februara u našoj školi je obilježen „Svjetski dan hidžaba“. Ovaj poseban datum podsjeća nas da je hidžab mnogo više od odjevnog predmeta – on je simbol identiteta, dostojanstva, slobode izbora i ličnog uvjerenja. Kroz zajedničko druženje, razgovor i aktivnosti učenici su imali priliku da se upoznaju sa pravim značenjem hidžaba, da postavljaju pitanja i otvoreno razgovaraju o važnosti tolerancije i međusobnog uvažavanja.



Posebna poruka ovog dana je bila da svaka djevojka ima pravo da bira, bez osuđivanja i predrasuda. Naša škola je još jednom ovom prilikom pokazala da njeguje vrijednosti jednakosti, poštovanja i empatije, te da je mjesto, gdje se različitosti ne dijele već povezuju.

MIRIS RAMAZANA U NAŠIM ŠKOLSKIM KLUPAMA



Mjesec Ramazan, vrijeme posta, molitve i posebnog zajedništva obilježen je i u našoj školi.

Učenice su kroz niz kreativnih aktivnosti oživjele duh ovog mubarek mjeseca.



Na opštinskom takmičenju iz islamske vjeronauke učenice su ostvarile slijedeći plasman:

1. Mjesto Vehabović Lejla
2. Mjesto Skopljak Lejla
3. Mjesto Dautović Amra

Našu školu na daljem nivou takmičenja predstavljat će Lejla Vehabović...



KULTURA I OBRAZOVANJE

Jezik je kuća u kojoj živimo

U našoj školi je obilježen Dan maternjeg jezika koji se u svijetu obilježava 21.02.2026. godine. Učenice literarne sekcije priredile su performans „Na bosanskom je najljepše“. Maternji jezik nije samo skup pravila, gramatike i pravopisa koje učimo u školskim klupama JU MSŠ Doboj Istok. On je mnogo više od toga – to je prvi šapat majke, prva iskazana želja i način na koji sanjamo. Obilježavajući Međunarodni dan maternjeg jezika, podsjećamo se da je naš jezik naša lična karta. Kroz njega čuvamo tradiciju naše domovine. Svaka riječ koju izgovorimo nosi u sebi tragove naših predaka i nadu za buduće generacije. **Zato, dragi učenici, čuvajmo svoj jezik!** Ne dopustimo da padne u zaborav. Pišimo pravilno, govorimo jasno i ponosno, jer onoliko koliko poštujemo svoj jezik, toliko poštujemo i sami sebe.



1. Mart – Dan nezavisnosti B i H

Domovina se piše srcem i čuva znanjem...



Prvi mart nije samo datum u kalendaru, to je simbol naše postojanosti, slobode i zajedništva. Obilježavajući ovaj historijski dan, sjećamo se trenutka kada smo kao narod rekli „DA“ nezavisnoj i suverenoj Bosni i Hercegovini.

Danas je u Gračanici održana centralna manifestacija obilježavanja Dana nezavisnosti Bosne i Hercegovine. Učenici iz naše škole **Benjamin Osmanbegović** i **Aiša Halilović** su uzeli učešće na centralnoj priredbi, izvedbom recitala Hatidža uz pratnju gitare.


Čestitamo Aiša i Benjamine!



Ništa ne bi bilo, da i u našoj školi nije obilježen Dan nezavisnosti

B i H, uz organizaciju profesorice Naide Mujkić, Osmanbegović, sa našim vrijednim učenicima i učenicama i tom prilikom je dodijeljena i zahvalnica učenici Eni Mrkanović za najljepši rukopis.

Čestitamo Ena!





Na opštinskom literarnom takmičenju, povodom Dana nezavisnosti Bosne i Hercegovine, učenica prvog razreda medicinske škole **IRMA ZAHIROVIĆ**, osvojila je prvo mjesto za svoj literarni rad. Čestitamo IRMA !



Dana 24.marta, učenice naše škole su povodom Svjetskog dana poezije, a koji se obilježava 21.marta, održale poetski performans

„**Stop nasilju nad ženama**“, danu koji je posvećen borbi protiv nasilja, jer nasilje nad ženama, djevojkama i djevojčicama, jedan je od najčešćih i najtežih oblika nasilja u društvu. Ovim nastupom su nastojale podići svijest o značaju poezije kao suštine i esencije društva.

ZABAVA

Antistres kutak“- jer su lavirinti i sudoku najbolji protiv treme od ispita)

SUDOKU:U ovom sudoku koristite samo brojeve 1,2,3 i 4.Svaki red i stupac mora saržavati te brojeve ali bez ponavljanja

	1	2	3	4
A		1		2
B	2		4	
C		2		3
D	3		2	

	1	2	3	4	5	6
A	1			4		
B		2			1	
C			3			5
D	4			2		
E		5				4
F			6			3

SUDOKU:U ovom sudoku koristite brojeve 1,2,3,4,5 i 6

VICEVI:

Pita nastavnik informatike:
Ko zna reći koji su bili najveći problemi ljudi prije interneta? Učenik iz zadnje klupe:“vjerovatno su morali sami smišljati svoje statuse i pisati zadaću bez ChatGPT-a!“

Dolazi sin kući i kaže ocu:
 „Tata imam jednu dobru i jednu lošu vijest“
 Daj prvo dobru kaže otac.
 Dobra je da sam dobio peticu iz hemije.
 Odlično, a loša?
 Loša je da je to bila samo šala, a sad idemo razgovarati o onom kecu iz matematike.

Profesor geografije prozove Hasu:
 „Haso , pokaži nam na karti gdje se nalazi Amerika.“
 Haso pokaže.
 Profesor: “Tako je, a sad, djeco, ko mi može reći ko je otkrio Ameriku?”
 Cijeli razred u glas; “Pa Haso, maloprije ste vidjeli.

Lavirint (Pronađi put)

S-Start (Ulaz)
 C-Crni zid (Neprolazno)
 Prazno polje-Slobodan put
 E-Kraj (izlaz)

Matematika i logika

Profesor matematike;
 Zamisli da u jednom džepu imaš 20 eura ,a u drugom 50 eura.Šta imaš?
 Učenik:
 Pa očigledno tuđe hlače profesore.

Logika na času historije

Profesor historije pita Muju:
 „Mujo , zašto su stari Grci bili tako pametni i gradili onakve hramove?“
 Mujo:
 „Zato što nisu imali historiju koju su morali učiti, pa su imali slobodnog vremena!“

	1	2	3	4	5	6	7	8
A	S		C					
B	C		C		C	C	C	
C					C			
D		C	C	C	C		C	C
E							C	
F	C	C	C	C	C		C	
G								
H		C	C	C	C	C	C	E

Uputstvo za rješavanje:

- 1.Kreni sa polja A1 (označeno sa S)
- 2.Možeš se kretati gore, dole, lijevo ili desno (nema kretanja po dijagonali).
3. Ne smiješ ulaziti u polja označena sa C, to su zidovi.
- 4.Cilj je doći do polja H8 (označeno sa E)

Školske muke (profesori i ocjene)

1.) Šta je to? Ima 30 nogu ,a nema gdje otići?

To je razred koji čeka da profesor završi predavanje 5 minuta nakon zvona.

2.) Zašto je zbirka iz matematike uvijek tužna?

Zato jer ima previše problema.

3.) Kako se zove osoba koja se i dalje nada da će dobiti 5, a nije otvorila knjigu cijelo polugodište?

Zove se optimist...

Mini kviz:“Koji si tip učenika?“

Šta radiš na velikom odmoru ?

A.) Ponavljam gradivo za sledeći čas.

B.) Trčim u pekaru kao da mi život ovisi o tome.

C.) Gledam u prazno i pitam se zašto sam se jutros probudio?

Rezultati:

A.Štreber u usponu

B.Hedonist

C.Umjetnička duša u potrazi za krevetom

.OSMOSMJERKA :

- Školski lavirint
Pronađi 10 skrivenih riječi koje se odnose na školu.
- Riječi se mogu nalaziti vodoravno, uspravno ili dijagonalno (u svim smjerovima).
- Riječi koje trebaš pronaći :
- UDŽBENIK
- OCJENA
- FORMULA
- ODMOR
- KVIZ
- NACRT
- MARLJIV
- ABECEDA
- UNIFORMA
- ZADATAK

U	DŽ	B	E	N	I	K	A
N	O	C	J	E	N	A	B
I	D	K	V	I	Z	M	E
F	O	R	M	U	L	A	C
O	R	A	N	A	C	T	E
R	M	O	D	M	O	R	D
M	A	R	L	J	I	V	A
A	N	A	T	R	A	Z	S

OBILJEŽEN SVJETSKI DAN VODA

Članovi EKOLOŠKE sekcije su sa svojom profesoricom Selmom Hatemić, obilježili „Svjetski dan voda i Svjetski dan šuma“. Obilježavanjem ovih važnih ekoloških datuma ukazali su na značaj šuma i voda kao i na važnost očuvanja ovog našeg blaga.



02 marta održana je bajramsku priredba. Priredba je odisala čistoćom i mirisom Bajrama i naših učenika. Milozvučni glasići grijali su dušu svih prisutnih.



**B
A
J
R
A
M**



MEĐUNARODNI DAN DJEČIJE KNJIŽEVNOSTI

Članovi literarne i bibliotekarske sekcije, obilježili su Međunarodni dan dječije književnosti, tom prilikom su u biblioteci održali prigodan književni čas posvećen značaju bajke.



02 aprila u našoj školi, obilježen je Svjetski dan autizma. Tim povodom organizovana je predstava „Kako razumjeti mene sa autizmom“, koju je s mnogo emocija i posvećenosti izveo naš glumac i defektolog Jasmin Salkić, na čemu smo mu iskreno zahvalni.



U okviru obilježavanja, izrađeni su prigodni plakati i vrpce koje su podijeljene svim prisutnim. Plakat su izradile učenice Šejla Alić, i Melina Bačinović (I5), dok su vrpce izradile učenice (II 5) razreda tekstilne struke.



UČENICI BEZ FILTERA : BRZA PITANJA

RUBRIKA KOJA SE PONAVLJA
IZ BROJA U BROJ, JER
ŽELIMO DA SAZNAMO KAKO
RAZMIŠLJAJU NAŠI VRŠNJACI

Tvoje ime i prezime?

Alen Bajić.

Tvoje zanimanje i koji si razred?

Ekonomski tehničar, III1.

Kako planiraš svoje vrijeme za učenje?

Učim kad stignem.

Koliko ti je važno imati odličan uspjeh u školi i zašto?

Mnogo važno.

Koliko vremena dnevno potrošiš na učenje?

30 minuta

Imaš li neku metodu učenja?

Nemam nikakvu posebnu metodu učenja.

Koji ti je omiljeni predmet i zašto? (ukratko)

Matematika, jer mi se sviđa profesor koji predaje.

Imaš li dovoljno slobodnog vremena?

Imam previše slobodnog vremena.

Koji su tvoji planovi za dalje?

Upisati fakultet.

Koji bi dao savjet drugim učenicima?

Ne upisujte ekonomsku školu.

Tvoje ime i prezime?

Esma Osmić

Tvoje zanimanje i koji si razred?

Ekonomski tehničar, I1.

Kako planiraš svoje vrijeme za učenje?

Trudim se da učim redovno i rasporedim gradivo tokom sedmice.

Koliko ti je važno imati odličan uspjeh u školi i zašto?

Važno je kao motivacija, ali smatram da je znanje važnije od same ocjene.

Koliko vremena dnevno potrošiš na učenje?

Zависи od obaveza. Nikad više od sat vremena, jer pratim na času i dosta toga zapamtim.

Imaš li neku metodu učenja?

Pročitam jednom i onda to pokušam prepričati svojim riječima.

Koji ti je omiljeni predmet i zašto? (ukratko)

Omiljeni predmet mi je ekonomika preduzeća jer je povezana sa stvarnim životom.

Imaš li dovoljno slobodnog vremena?

Imam, ali bi ga bolje iskoristila da sam prva smjena.

Koji su tvoji planovi za dalje?

Planiram nastaviti školovanje, ali i razvijati mali biznis „Duo Grav“. Želja mi je da moje preduzeće raste, proširi ponudu i postane još prepoznatljivije.

Koji bi dala savjet drugim učenicima?

Moj savjet je da vjeruju u svoje ideje i ne boje se pokušati nešto novo. Uz dobru organizaciju, moguće je uskladiti školu i vlastite projekte, a trud i upornost se uvijek isplate.

Tvoje ime i prezime?

Dženan Habibović.

Tvoje zanimanje i koji si razred?

Ekonomski tehničar, IV1

Kako planiraš svoje vrijeme za učenje?

Planiram ga na osnovu svojih obaveza, koje sam posložio tokom dana, a to su trening, posao, pomoć porodici.

Koliko ti je važno imati odličan uspjeh u školi i zašto?

Izuzetno mi je važno, jer je to ogledalo moga truda, rada i znanja. Koliko vremena dnevno potrošiš na učenje?

Nekada 30 minuta, a nekada ni toliko.

Imaš li neku metodu učenja?

Da, imam. Iskucam lekcije u Wordu, koje kasnije printam, takođe kucajući zapamtim određene termine, i kasnije samo utvrdim. Još bolja stvar je što na iskucanom papiru izgleda manja lekcija, nego u svesci što psihološki pomaže da lakše savladam gradivo.

Koji ti je omiljeni predmet i zašto? (ukratko)

Nemam omiljeni predmet striktno, ali ekonomska grupa predmeta uglavnom, knjigovodstvo, ekonomika, ekonomska matematika, projektni rad, biznis plan.

Imaš li dovoljno slobodnog vremena?

Imam dovoljno slobodnog vremena, ali ga kvalitetno popunim.

Koji su tvoji planovi za dalje?

Ne bih otkrivao svoje planove za budućnost.

Koji bi dao savjet drugim učenicima?

Da se trude, rade, zalažu za sebe i svoja znanja.



Tvoje ime i prezime?

Rahima Brkić.

Tvoje zanimanje i koji si razred?

Krojač – II5

Kako planiraš svoje vrijeme za učenje?

Planiram samo kad trebam odgovarat.

Koliko ti je važno imati odličan uspjeh u školi i zašto?

Vrlo mi je važno.

Koliko vremena dnevno potrošiš na učenje?

Dva sata.

Imaš li neku metodu učenja?

Sa razumijevanjem učim.

Koji ti je omiljeni predmet i zašto? (ukratko)

Estetsko oblikovanje, jer volim da crtam.

Imaš li dovoljno slobodnog vremena Imam .

Koji su tvoji planovi za dalje?

Upisat četvrtu školsku godinu.

Koji bi dala savjet drugim učenicima?

Da se posvete školi.

Tvoje ime i prezime?

Edna Hrnjičić.

Tvoje zanimanje i koji si razred?

Tehničar elektroenergetike , IV razred.

Kako planiraš svoje vrijeme za učenje?

Vrijeme za učenje planiram na osnovu obaveza koje imam taj dan.

Koliko ti je važno imati odličan uspjeh u školi i zašto?

Poprilično mi je važno imati dobar uspjeh.

Koliko vremena dnevno potrošiš na učenje?

Dva sata.

Imaš li neku metodu učenja?

Nemam određenu metodu učenja.

Koji ti je omiljeni predmet i zašto ?

(ukratko)

Električne zaštite, zbog toga što učimo o sigurnosti i vrstama zaštite ljudi, objekata i postrojenja.

Imaš li dovoljno slobodnog vremena Imam .

Koji su tvoji planovi za dalje?

Upisati fakultet.

Koji bi dala savjet drugim učenicima?

Savjet za druge učenike je da se ne stresiraju previše, ocjena nije mjerilo znanja.

Tvoje ime i prezime?

Ajla Hodžić

Tvoje zanimanje i koji si razred?

Trgovac – idem u treći razred.

Kako planiraš svoje vrijeme za učenje?

Planiram samo kad trebam odgovarat, a nekada mi bude i mrsko.

Koliko ti je važno imati odličan uspjeh u školi i zašto?

Vrlo mi je važno, zbog toga što bi time ostvarila neki svoj životni cilj.

Koliko vremena dnevno potrošiš na učenje?

Učim kad trebam odgovarat, ili imati taj dan test.

Imaš li neku metodu učenja?

Nemam metode, ali ne učim nikad previše.

Koji ti je omiljeni predmet i zašto ?

(ukratko)

Knjigovodstvo, jer smo uvijek radili zadatke, i imala sam dobre ocjene, jer je profesor fino objašnjavao.

Imaš li dovoljno slobodnog vremena ?

Nekad imam, ali sada baš i ne, jer nam se bliže testovi i usmeni ispiti.

Koji su tvoji planovi za dalje?

Da nastavim školovanje ili da se zaposlim u nekoj trgovini.

Koji bi dala savjet drugim učenicima?

Da se bore za svoj uspjeh i za ono ono što žele da rade.

ŠKOLSKA TAKMIČENJA

26.03.2026 u domu kulture u Brijesnici Velikoj održano je školsko takmičenje u stonom tenisu za dječake i djevojčice, s ciljem promocije sporta, razvijanja takmičarskog duha među učenicima i podsticanja zdravog načina života. Finalni mečevi održani su 01.04..2026 godine , i tom prilikom **direktor škole Admir Dautović** je uručio priznanja najboljim učenicima u obje kategorije. **Najbolje među djevojčicama** su bile :**1.Osmić Adna, 2.Jašić Sumea** i **3.Hodžić Ajla**. U kategoriji dječaka najbolji su bili : **1.Mujkić Nisvet, 2.Hodžić Mahir** i **3.Babić Omer**.

1. mjesto



2. mjesto



3. mjesto



1. mjesto



2. mjesto



3. mjesto



25.03.2026.g održano školsko takmičenje povodom Svjetskog dana → π iz matematike, a s ciljem takmičenja u pamćenju decimala broja π . Prva tri mjesta osvojili su slijedeći učenici: **1. Hanifa Babić, 2. Vedad Mašić i 3. Vedad Šuvalić,** te su im dodijeljene nagrade i diplome. Čestitamo pobjednicima, ali i svim učenicima koji su učestvovali na takmičenju.



Iz predmeta **zdravstvena njega** takmičili su se učenici prvog razreda medicinske škole. Takmičenju je pristupilo sedam učenika, a najbolje rezultate ostvarili su :

- 1. Amra Dautović**
- 2. Sara Mujić i**
- 3. Amar Mujić**

Čestitamo svim učenicima , a Amri Dautović želimo puno uspjeha na kantonalnom takmičenju koje će se održati u narednom periodu.

Održano je i školsko takmičenje iz engleskog jezika. Čestitamo svim učesnicima, a na kantonalno takmičenje idu slijedeći učenici:

- **Mujić Bilal**
- **Mehinović Ajna**
- **Dizdarević Jusuf**
- **Hodžić Elma i**
- **Mrkanović Armin**



Takmičenje - **Mali nogomet** – sportska dvorana Brijesnica Velika
1.mjesto II-3 (tehničari elektroenergetike) , 2.mjesto I-6
(automehaničari), 3.mjesto III4 (vozači motornih vozila)



DAN ARMIIJE BiH

Učenci prvog razreda mašinske i saobraćajne škole bili su na obilježavanju Dana armije BiH i 2.pješadijskog puka OSBiH u kasarni Dubrave kod Živinica. Učenci su imali priliku da se upoznaju sa naoružanjem i logistikom kojom raspolažu OSBiH i da pogledaju prigodnu izložbu historijata Armije BiH i , Korpusa BiH.



ŠKOLSKA POSJETA CENTRU MFS EMMAUS „DUJE“



Učenci medicinske škole 09/04/2026 g. su sa svojom razrednicom, u sklopu predmeta „Zdravstvena njega“ posjetili prihvatni centar „DUJE“, pod pokroviteljstvom MFS EMMAUS. Dočekali su ih predstavnici centra i proveli ih kroz različita odjeljenja koja imaju u svom kompleksu. Učenci su imali priliku da vide i čuju šta sve uključuje rad medicinskog osoblja, i sa kakvim se izazovima susreću medicinari. Nakon obilaska, u toploj atmosferi, porazgovarali su sa domaćinima, o svemu što prihvatni centar nudi svojim korisnicima, kao i o iskustvima koje medicinsko osoblje ovog centra ima. Gospodinu Sefiru Haliloviću, koji je sa svojim kolegama bio domaćin našim učenicima, u ime JUMSS Doboja Istok, i u ime direktora škole, uručena je plaketa zahvalnosti za rad i trud prilikom osnivanja i ponovnog uvođenja smjera medicinska sestra – tehničar, u našoj školi. Naša škola je veoma zahvalna na svemu što on i naravno MFS EMMAUS rade za dobrobit naših učenika, a i lokalne zajednice...



KUTAK ZA SVE NAS : Mudrosti, trikovi i školske tajne

1. Kako „prevariti mozak“ ?

(Zanimljivi trikovi za lakše učenje)

Učenje ne mora biti mučenje! Ako vam se čini da vam knjiga služi samo kao dobar jastuk, isprobajte ove naučno dokazane trikove koji pale:

- **Zakon 25 minuta (Pomodoro tehnika) :** Navijte alarm na 25 minuta i učite bez telefona. Kada zazvoni, odmorite se 5 minuta (pojedite čokoladicu, prošetajte). Nakon četiri ova kruga, nagradite se dužom pauzom. Mozak voli male ciljeve.

- **Mirišljivo pamćenje:**

Dok učite dosadnu istoriju ili definicije, žvačite žvaku s okusom jagode ili koristite specifičan parfem. Kada dođete na kontrolni, uzmite istu tu žvaku ili miris – vaš mozak će automatski povezati miris s informacijama koje ste pamtili.

- **Glumite profesora (Feynmanova metoda):**

Najbolje učimo onda kada pokušavamo nekome objasniti. Zaključajte se u sobu i ispričajte gradivo svom plišanom medi , kućnom ljubimcu ili ogledalu kao da ste vi profesor koji drži predavanje. **Ako uspijete objasniti jednostavno – naučili ste !**

2. Recept za ljepše drugarstvo

(I kako preživjeti školske dane)

Škola prođe , ocjene se zaborave, ali ljudi ostaju. Dobro drugarstvo u razredu mjenja sve

- Od njega zavisi da li u školu idemo sa grčem u stomaku. Evo našeg malog „recepta“:

- **Sastojci:** 500 grama tolerancije, 3 kašike prepisivanja (samo u hitnim slučajevima!), prstohvat zajedničkog smijeha i puna vreća podrške.

- **Priprema:** Kada vidiš da *neko sjedi sam u klupi ili ima loš dan, ne okreći glavu. Ponekad je obično: „Hej , jesi li dobro?“* ili dijeljenje sendviča na odmoru dovoljno da nekome popraviš cijelu sedmicu.

Pravilo broj 1: Najbolji prijatelj je onaj koji te ne osuđuje kada dobiješ jedinicu, nego s tobom smišlja plan kako da je ispraviš (ili s tobom „plače“ od smijeha zbog zajedničkog neznanja). Čuvajte jedni druge, jer ove klupe dijelite samo jednom u životu !

3. Pisma roditeljima i profesorima

(Iz učeničkog ugla)

Namijenjeno : roditeljima i profesorima – za bolje razumijevanje i malo osmijeha

- **Poruka za naše profesore:** Dragi profesori, znamo da vam nekada sivi papiri i naši pogledi u prazno kidaju živce. Hvala vam za svaki minut strpljenja, za svaku ocjenu koju ste nam „progledali kroz prste“ i zato što nas , osim lekcija iz knjige učite kako da postanemo ljudi. Vaš trud se vidi, čak i kada mi **šapućemo** na času!

- **Poruka za naše roditelje :** Dragi naši roditelji, ocjena u dnevniku nije mjerilo naše ljubavi prema vama, niti naše inteligencije. Nekada je dan jednostavno loš. Podržite nas kada padnemo, proslavite s nama kada uspijemo i ne zaboravite – i vi ste nekada sjedili u ovim klupama i hvatali krivine.

ZNANJE JE MOĆ : TVOJA NEVIDLJIVA SUPER MOĆ

Zašto je obrazovanje jedina investicija koja nikada ne gubi na vrijednosti i kako ona oblikuje slobodu

„ZNANJE JE MOĆ“. Danas, u 21. vijeku, ta rečenica ima veću težinu nego ikada prije. Živimo u svijetu koji se mjenja brzinom svjetlosti, tehnologija napreduje iz dana u dan, a informacije su nam dostupne na samo jedan klik. U takvom okruženju, znanje više nije samo prednost – ono je ključ opstanka. Često sjedimo u školskim klupama, gledamo u tablu i pitamo se: „Zašto moram ovo učiti? Kada će mi u životu trebati ova formula, ova historijska godina ili definicija?“. To je sasvim prirodno pitanje. Međutim, tajna nije u tome da mehanički zapamtite svaki podatak za ocjenu. Prava tajna je u tome što učenje, korak po korak, mijenja vaš mozak, širi vidike i gradi vašu unutarnju snagu.

Kada posjedujete znanje, vi niste samo posmatrač u svijetu; vi postajete onaj ko donosi odluke. Znanje vam daje mogućnost da birate posao koji volite, da putujete, razumijete druge kulture i samostalno gradite svoju budućnost. Ono vas pretvara iz nekoga ko samo sluša TUĐA MIŠLJENJA U NEKOGA KO IMA SOPSTVENI STAV UTEMELJEN NA ČINJENICAMA.

Znanje otvara vrata koja novac ne može

Neko vam može oduzeti materijalne stvari, novac ili status, ali ono što ste unijeli u svoju glavu, vaše vještine, vaša sposobnost razmišljanja i zaključivanja – to je vaša trajna imovina. Niko vam nikada ne može oduzeti znanje.

Znanje je jedina stvar na svijetu koja se dijeljenjem umnožava, a koja se čovjeku nikada i nikakvom silom ne može oduzeti

Tri razloga zašto je tvoj trud u školi važan upravo sada:

- 1. Znanje gradi samopouzdanje** : Kada razumijete kako svijet funkcioniše, osjećate se sigurnije u društvu, na časovima i u svakodnevnom razgovoru.
- 2. Učenje vježba mozak** : Čak i kada vam se neki predmet čini dosadnim, rješavanjem zadataka vi vježbate fokus, logiku i upornost – vještine koje će vam trebati za bilo koji posao u budućnosti.
- 3. Kreiraš sopstvene prilike** : Što više znate i umijete, imaćete više otvorenih vrata i izbora kada završite školu. Vi birate svoj put, a ne drugi za vas.

Štit protiv laži i manipulacije

U eri društvenih mreža, preplavljeni smo lažnim vijestima, filterima i površnim informacijama. Kako prepoznati istinu u moru iluzija? Odgovor je ponovo – znanje. Obrazovan čovjek pojeduje kritičko mišljenje. On ne vjeruje svemu što pročita na ekranu. On postavlja pitanja, provjerava izvore i razmišlja svojom glavom. Znanje je vaš najbolji štit protiv manipulacija.

Poruka za kraj : Budi kreator svoje priče

Učenje ponekad jeste teško i zahtjeva trud, neprospavane noći i odricanje. Ali sjetite se da svaki put kada otvorite knjigu ili savladate neku novu vještinu, vi ulažete u najvažniji projekat na svijetu – u same sebe. Vaš trud u školi nije tu zbog ocjena u dnevniku, niti zbog ponosa roditelja i profesora. On je zbog vas. Pokrenite svoju supermoć, skupljajte znanje i hrabro gradite svijet po svojoj mjeri. Jer, na kraju krajeva, moć je u vašim rukama!

PSIHOLOŠKI KUTAK

Glas koji vara . Zašto sumnjamo u sebe ?

Otkrijte tajnu „sindrom uljeza“ i kako utištati unutrašnjeg kritičara

Da li vam se ikada desilo da ostvarite sjajan uspjeh, dobijete zasluženu peticu ili pohvalu, ali umjesto ponosa osjetite neku čudnu nesigurnost? U tom trenutku, tihi glas u glavi vam šapne : „Ovo je bila samo sreća “ ili „Pitanja su bila prelagana, ubrzo će svi shvatiti da ja zapravo ništa neznam „.

Ako prepoznajete ovaj osjećaj, opustite se. Niste jedini, a niste ni stvarno nesigurni. Vi se zapravo suočavate sa psihološkim fenomenom koji stručnjaci nazivaju „**Sindrom uljeza**” ..

Ko se krije iza maske?

Ovaj sindrom nije nikakva bolest već stanje uma u kojem osoba, uprkos svom trudu i očiglednim rezultatima, duboko u sebi vjeruje da „nije dovoljno dobar“. Ljudi koji prolaze kroz ovo imaju konstantan strah da će svakog trenutka biti „razotkriveni“ i da će okolina shvatiti kako oni nisu toliko sposobni kako se drugima čini.

Najzanimljiviji paradoks jeste to što ovaj glas najčešće napada upravo one – najbolje, vrijedne učenike, kreativce, odgovorne mlade ljude i perfekcionista. Što više radite i postignete, vaš unutrašnji kritičar postaje glasniji.

MALA ČEKLISTA : PREPOZNAJETE LI OVE MISLI

- Faktor sreće: Svaki svoj uspjeh pripisujete slučajnosti ili dobroj zvijezdi, umjesto svom radu i neprospavanim noćima.
- Lupa za greške : Možete imati niz sjajnih ocjena i samo jednu lošiju – vaš mozak će danima analizirati i pamtili samo tu jednu grešku, dok one dobre zaboravlja.
- Zamka društvenih mreža : Gledajući vršnjake na ekranu, čini vam se da oni kroz život i školu prolaze bez imalo muke, dok se samo vi borite sa knjigom.

Kako pobijediti unutrašnjeg kritičara

- Promjenite scenario u glavi** : slijedeći put kada postignete uspjeh, nemojte umanjiti svoj trud. Umjesto : „Bilo je lahko“, recite sebi : „Zasluzio/la sam ovo jer sam uložio/la svoj rad i vrijeme“.
- Razbijte tišinu** : Razgovarajte sa prijateljima iz klupe. Vidjećete da se većina njih suočava sa istim mislima. Kada se o strahu priča, on gubi svoju moć.
- Dozvolite sebi grešku** : Škola i mladost služe za učenje, a učenje je nemoguće bez padova. Greška vas ne definiše : ona je samo znak da rastete i razvijate se.

Vi niste uljez u svom životu, u svom razredu niti u svom društvu. Tu ste sa razlogom. Vaš trud vrijedi, vaše znanje je stvarno i vaš glas se računa !

BORBA

PROTIV ANKSIOZNOSTI U TINEJDŽERSKIM DANIMA

Tinejdžerski dani su uzbuđljivi, ali i izazovni. Pritisak u školi, očekivanja okoline, društvene mreže, prijateljstva, planovi za budućnost... Sve to može izazvati osjećaj brige, nesigurnosti i preplavljenosti.

Nisi sam/a. Anksioznost je češća nego što misliš – ali dobra vijest je da postoje načini da je prepoznaš, razumiješ i pobiješ.

ŠTA JE ANKSIOZNOST?

Anksioznost je prirodna reakcija na stres. Postaje problem kada je prejak, prečesta i kada te sprečava da uživaš u svakodnevnom životu.

ŠTA MOŽE POMOĆI?

PRIČAJ

Razgovor sa nekim kome vjeruješ, može mnogo olakšati.

KREĆI SE

Fizička aktivnost smanjuje stres i popravljiva raspoloženje.

PIŠI

Zapisivanje misli i osjećanja pomaže da ih izbaciš iz glave.

PUT DO SREĆE

Sreća nije cilj, to je način života.

Evo nekoliko koraka na tom putu:

1. ZAHVALI

Cijeni male stvari svakog dana.

2. BUDI PRISUTAN/NA

Živi trenutak. Prošlost je prošla, budućnost još nije došla.

KAKO PREPOZNATI ANKSIOZNOST?

Neki od znakova su:

- stalna briga i negativne misli
- napetost, nervoza, razdražljivost
- teškoće sa koncentracijom
- problemi sa spavanjem
- ubrzan rad srca, znojenje, bolovi u stomaku
- osjećaj da nisi dovoljno dobar/dobra

Prepoznavanje je prvi korak ka promjeni

DIŠI DUBOKO

Nekoliko minuta dubokog disanja može smiriti tijelo i um. **PAUZA OD DRUŠTVENIH MREŽA**

Upoređivanje sa drugima često povećava anksioznost.

BUDI NJEŽAN/NA PREMA SEBI

Nisi i ne moraš biti savršen/a. Dovoljno je da daješ svoj maksimum.

3. OKRUŽI SE DOBRIM LJUDIMA

Energija drugih utiče na tvoju sreću.

4. RADI ONO ŠTO VOLIŠ

Pronađi ono što te ispunjava i daje ti smisao.

5. POSTAVLJAJ CILJEVE

Mali koraci vode do velikih promjena.

6. NE ZABORAVI NA SEBE

Odmori, opusti se, nagradi se. Ti to zaslužuješ.

PAMETNE IZREKE

“Ne sudi svakom danu po žetvi koju ubereš, već po sjemenu koje posadiš.”

— **Robert Louis Stevenson**

“Tvoj život ne postaje bolji slučajno, postaje bolji promjenom.”

— **Jim Rohn**

“Ne čekaj savršen trenutak. Uzmi trenutak i učini ga savršenim.”

— **Zoey Sayward**

“Snaga ne dolazi iz pobjede. Tvoja borba razvija tvoje snage. Kada prolaziš kroz teškoće i odlučiš da ne odustaneš, to je snaga.”

— **Arnold Schwarzenegger**

“Najveća slava nije u tome da nikada ne padneš, već da ustaneš svaki put kada padneš.”

— **Konfučije**

“Sreća nije tamo negdje. Sreća je ovdje. Sada.”




GALERIJA SLIKA SA STRUČNIH EKSKURZIJA



11.06.2026

Školski šapat


25



11.06.2026

Školski šapat

26



KANTONALNA TAKMIČENJA




07/04/2026 g.održano je kantonalno takmičenje u Tuzli, iz predmeta GEOGRAFIJA, za učenike srednjih škola TK.

S ponosom predstavljamo našeg predstavnika, učenika IV razreda Gimnazije, **Harisa Skopljaka** koji je zauzeo **PRVO MJESTO** i ponosno predstavio našu školu.

Čestitamo Harise i želimo ti puno sreće u nastavku tvoga školovanja.

MLADI PODUZETNICI

Na takmičenju iz poduzetništva ,učestvovali su naši učenici ,Dženan Habibović IV1, sa svojom ekipom i Emina Dedić III1, sa svojom ekipom. Obje ekipe su dale svoj maksimum, a Dženanova ekipa je osvojila pobjedu za najviše podijeljenih video snimaka, tzv reels. Čestitamo, bili ste odlični.



NAŠA HERMINE GOVORI GLASOM USPJEHA

Kažu da čovjek vrijedi onoliko koliko jezika govori, a naša Hermine nam je pokazala da se trud i ljubav prema znanju uvijek isplate. Ovakvi rezultati nisu samo ocjena u dnevniku, već dokaz da naša škola ima mlade ljude spremne za velike snove.


Čestitamo Hermine na ovom zlatnom uspjehu koji sija na ponos svih nas !



PONOS ŠKOLE - NAŠI UČENICI.

„Znanje je jedino blago koje se dijeljenjem povećava. Kada se spoje talenat, upornost i prava podrška mentora, rezultat ne može biti ništa manje od prvog mjesta. Hermine ti si inspiracija cijeloj generaciji !

KANTONALNA TAKMIČENJA



Lamija Nurkanović, Sarah Sinanović, Nermina Nadžaković, i Emina Dedić 07/04/2026 su učestvovala na kantonalnom takmičenju, „Preduzeća za vježbu, (proizvodnja i prodaja mirisnih kamenčića) u Tuzli, gdje su **predstavljale III1 razred ekonomske škole**. Kao ekipa osvojile su **prvo mjesto** u kategoriji **Transakcija**, te su u konačnici zauzele visoko 5 mjesto. Čestitke našim vrijednim učenicama !



ODRŽANO KANTONALNO TAKMIČENJE U MALOM NOGOMETU ZA SREDNJE ŠKOLE



Naši učenici – takmičari, s trenerom Ametom Banjićem prije početka takmičenja ...



Učešće u takmičenju je uzelo 10 ekipa, a najbolji među najboljima su bili:

1. Behram –begova medresa Tuzla,
2. MSŠ Gradačac
3. MSŠ Lukavac ...

U petak 08/05.2026.godine, u sportskoj dvorani u Brijesnici Velikoj, JU MSŠ Doboj Istok, uspješno je ugostila i organizirala prestižno takmičenje u malom nogometu za srednje škole. Naša škola pokazala se kao odličan domaćin i organizator, a dvorana je bila ispunjena sportskim duhom.



ODRŽAN KVIZ OPĆEG ZNANJA

Znanje na djelu:

Održan kviz općeg znanja !

U JU MSŠ Doboj Istok, 06.05.2026.godine održan je uzbudljiv kviz općeg znanja koji je okupio čak 129 učenika raspoređenih u 31 ekipu. U snažnoj konkurenciji i sjajnoj atmosferi, prva tri mjesta osvojile su slijedeće ekipe:

1. **Tahrana (IV-2)**
2. **N4A (III-2)**
3. **Cjepko Comerc (III-3)**

Pobjednicima su uručene vrijedne nagrade za postignute rezultate, a pored tri glavne, dodijeljene su još četiri utješne nagrade za pokazani trud i znanje

.Čestitamo svim učesnicima!



ISKRENO I BEZ CENZURE : NAŠI NAJDRAŽI PREDMETI

Lamija Nurkanović III1 - (Knjigovodstvo), jer mi je interesantno, i jer ga predaje profesorica Hatidža Hadžić, koja to lijepo objasni !

Ajla Jašić III1 - ja volim statistiku .

Amra Mehinović III1 - (Engleski jezik), jer volim jezike i prilično mi idu, lagani za učiti.

Nermina Nadžaković III-1

“Od svih predmeta izdvojila bih finansije, jer kroz njih učimo o javnom budžetu, prihodima, rashodima i načinu funkcionisanja države.“

Dženita Bačinović III-1

Najdraži predmet mi je : “Demokratija i ljudska prava, jer su lekcije veoma interesantne i mislim da će mi služiti u daljem školovanju” .

Elma Hodžić III1– jedan od predmeta koje volim je predmet (Ekonomija) , predaje ga prof.Faruk Mujaković .

Mujo Škrebo I6 - mehaničari

„Najdraža mi je praksa jer kroz nju stičem znanje i iskustvo koje koristim u privatnom životu i svakodnevnim situacijama , a volim i fiziku jer učimo o elektromotorima što je mnogo zanimljivo“

Armin Mešić III4 - saobraćajna

“Najdraži predmet mi je Bezbjednost drumskog saobraćaja, jer kroz njega učimo kako se pravilno ponašati u saobraćaju i kako sačuvati sigurnost svih učesnika na putu.“

Rasim Hrnjičić I6 - mehaničari

“Najdraži predmet mi je tjelesni jer volim razne aktivnosti i sportove”

Ermina Humić - Ekonomika preduzeća jer je povezano sa svakodnevnim životom I-1

Ajla Kapetanović - Finansije jer kroz taj predmet učimo kako funkcionise novac i upravljanjem novca I-1

Nela - Ekonomika preduzeća jer kroz nju bolje razumijem privredu i svakodnevni život. I-1

Fatima - Volim ekonomiku preduzeća zato što je zanimljiva i korisna za budućnost. I-1

Koji predmet volite i zašto?

Adel (Tjelesni jer igrao fudbal) Antonehanićar (Adel Ahmetović) I⁶

Admir Mujo Škrebo ĐUKOR (Fizika jer učimo o elektromotorima što je mnogo zanimljivo). I⁶

Arminno (Informatika zbog Praktike)

Humi Imran (Engleski) jer je profesor govt (dobar profesor) III-3

Mujić Anel (Tjelesni) jer je navela ker I⁵

Mujković Mustafa (Tjelesni) jer je najlakši I⁵

Ibrahim Džanić (Historija) jer je zanimljiv predmet
Suljović Arman (Tjelesni) jer volim sport

Keftić (Njemački) jer nam predaje manj, bolja nastavnica. III-3

09 maj 2026 - DAN ŠKOLE

OBILJEŽENA 33 GODIŠNJICA NAŠE ŠKOLE

U našoj školi, kao i svake prethodne godine obilježili smo Dan Škole, tim povodom održano je niz aktivnosti, kako i dolikuje tom posebnom danu. Održana je školska priredba, koju su pripremili naši učenici sa našim vrijednim profesoricama. Dodijeljena su priznanja za **životno djelo našoj divnoj profesorici Senadi Hamzić, koja je u našoj školi uspješno obrazovala i ispratila mnoge generacije, za svoje 33 godine rada u našoj školi.** Takodje je dodijeljeno posebno priznanje i našem premijeru TK Irfanu Halilagiću, za doprinos u radu naše škole.

Dodijeljene su i pohvale našim vrijednim učenicima i učenicama !



Hermine Karabegović, 1. mesto na kantonalnom takmičenju-Njemački jezik

Haris Skopljak, 1.mjesto na kantonalnom takmičenju - Geografija



Položeno cvijeće ,poginulim borcima, u znak sjećanja i poštovanja na njih, učeći tako mlade generacije da nikad ne zaboravimo da mi danas živimo i uživamo u slobodi zahvaljujući patriotama naše lijepe zemlje.



Hor“ LA VITA“,pod vodstvom profesorice Naide Mujkić, Osmanbegović...




DAN OTVORENIH VRATA U NAŠOJ ŠKOLI

Naši učenici otvorili su vrata naše škole budućim učenicima, mladim generacijama, pokazujući svoja stečena znanja, unutrašnjost naše škole, kabinete, opremu i ugodnu atmosferu, sa porukom dobro nam došli !!!





TEKSTILNA



PREHRAMBENA



HUMANOST NA DJELU


24.04.2026 g. provedena je **akcija dobrovoljnog darivanja krvi**. Učenici naše škole, svaki put, pa tako i ovaj put dali su svoj doprinos. Osim u svojim redovnim radnim zadacima, pokazuju na svaki način svoju odgovornost prema slabijim i nemoćnim i prema društvu uopšte. Hvala im na njihovom dobročinstvu, a Amili Delić i Aiši Halilović, vrijednim članicama sekcije Crvenog križa, hvala na nesebičnoj pomoći i asistenciji u radu.



OBILJEŽEN DAN PLANETE ZEMLJE

Učenici prvog razreda ekonomske škole na času odjeljske zajednice sa svojom razrednicom , profesoricom Rukijom Džinić obilježili su „DAN PLANETE ZEMLJE“ . Tom prilikom iskoristili su lijepo vrijeme i sunčan dan, te su ukrasili školsko dvorište , i posadili cvijeće...





Mladi bibliotekari i članovi literarne sekcije obilježili su i **SVJETSKI DAN KNJIGE** i tom prilikom izradili su panoe, čitali odlomke iz knjiga, te učestvovali u kreativnim radionicama. Učenici su poklonili nove naslove knjiga našoj biblioteci, i na taj način obogatili fond školske biblioteke. **Veliko hvala, našim učenicima i profesorima na ovom lijepom gestu.**

U SARAJEVU ODRŽANA MANIFESTACIJA - programa KREATIVNOST ZA MIR

U pratnji naše pedagogice Lejle Dautović, učenice Alma Salihović i Aiša Halilović su prisustvovala programu evaluacije i dodjele certifikata...



FESTIVAL RADA U TRAVNIKU



Naša škola je uzela učešće na državnom takmičenju, na festivalu rada koje je ove godine održano u Travniku.

Učešće su uzeli učenici, ekonomske, elektrotehničke, prehrambene i tekstilne škole. Sve naše školske ekipe osvojile su **po maksimalnih 100 bodova** na izložbi svojih radova.

ČESTITKE NAŠIM UČENICIMA I NARAVNO NJIHOVIM MENTORIMA !





INTERVJU SA MATURANTIMA



shutterstock.com - 2425923827

1. Kako se osjećaš sada kad završavaš školu?
2. Da li si stekao (stekla), neka iskustva u školi?
3. Koji ti je bio najljepši trenutak u školi?
4. Kako su profesori uticali na tvoje obrazovanje?
5. Hoćeš li ostati u kontaktu sa razredom?
6. Ko će ti najviše nedostajati?
8. Šta ti je bio najveći izazov tokom školovanja?
9. Kako bi opisao (opisala), šta za tebe znači kraj jednog životnog poglavlja, kraj školovanja?
10. Imaš li neku poruku budućim razredima ili maturantima?

Ispovijesti naših maturanata, njihovi odgovori



Dženan Habibović IV1 - Ekonomska

1. Osjećaj je nevjerovatan, nestvaran i sve je jako brzo prošlo. Smatram da ću zažaliti svog perioda srednje škole.
2. Mnoga iskustva, od samih takmičenja gdje sam stekao poslovno iskustvo iz predmeta "Preduzeća za vježbu". Iz predmeta poslovna korespondencija dosta sam iskustva stekao iz pisanja poslovnih pisama, također i iz ostalih predmeta, odabrao sam samo dva, a ima ih dosta.
3. Nemam poseban najljepši trenutak, ali kad su u pitanju takmičenja i npr. obilježavanja rođendana profesora u odjeljenju ili školskih kolegica je nešto što nas ujedinjuje.
4. Zavisio od profesora do profesora. Određeni profesori su me naučili da se trebam boriti samo za sebe, gdje sam izlazio još jači i dokazivao svoj uspjeh u svakom pogledu. S druge strane, ima profesor koji nas /mene svakodnevno motiviše i daju smjernice za dalji napredak u životu. Profesori s nama dijele i životne lekcije, najviše sam naučio od razrednika Faruka Mujakovića, koji ima rješenje za sve probleme bez brige i jako ohrabruje, od Hatidže Hadžić, koja nam predaje 4 godine, Nesime Šišić profesorice engleskog jezika.
5. Naravno potrudicu se da održim kontakt sa razrednikom, kao što sam održao kontakt sa razrednicom iz osnovne škole.
6. Izreke i poslovice profesorice Hatidže Hadžić, razrednik, naše interne šale u razredu koje smo samo mi shvatali.
7. Nastaviti školovanje.
8. Najveći izazov bila je matematika i hvala bogu završava, 4 godine i nadam se da se više neću susresti sa istom.
9. Apsolutno najljepši dio života, srednjoškolskog obrazovanja koje nikada neću zaboraviti. Za 4 godine obrazovanja sam doživio dosta životnih uspona i padova, gdje sam poslije svakog pada ustajao jači, bolji i uzdignute glave. Kraj jednog lijepog poglavlja, gdje se rastajemo i krećemo potpuno novim putem.
10. Budućim razredima bih poručio da se druže, da stvaraju lijepe i nezaboravne momente u školskim klupama. To je jedino ono čega ćete se sjećati u posljednjim danima škole, nikad nećete razmišljati o nekoj ocjeni, jer to je prolazno, a momenti s prijateljima iz škole su nezaboravni i neprocjenjivi. Borite se za sebe, ne dajte na sebe i gradite budućnost.

Sara Škrebo III 8 - Trgovinska

1. Osjećam se pomiješano, sretno završavam jedno poglavlje, ali i pomalo tužno jer se rastajem, od škole, prijatelja i profesora.
2. U školi sam stekla razna iskustva, od rada u grupi i komunikacije sa drugima, do razvijanja odgovornosti i organizacije vremena. Takođe sam naučila kako se nositi sa izazovima i truditi se za svoje ciljeve.
3. Teško mi je izdvojiti samo jedan, ali najljepši su mi bili svi oni dani provedeni sa razredom kroz smijeh i zajednička putovanja.

Sara Škrebo III -8 TRGOVINSKA

- Profesori su ostavili veliki trag u mom obrazovanju, jer su me , pored znanja učili važnim životnim lekcijama i uvijek bili podrška kada je bilo najpotrebnije.
- Nadam se da ću i nakon završetka školovanja ostati u kontaktu sa svojom razrednicom, koja je imala važnu ulogu u mom obrazovanju.
- Najviše će mi faliti profesorica Amira, koja nam je bila razrednica dvije godine, zatim razrednica Nermina, kao i profesorica Hatidža i Merima. Njihova podrška, razumjevanje i trud učinili su moje školovanje posebnim, zbog čega ću ih se uvijek rado sjećati.
- Nakon završetka školovanja planiram tražiti posao i započeti novo poglavlje u svom životu.
- Najveći izazov tokom školovanja, mi je bio organizovati svoje vrijeme i učiti više predmeta odjednom, ali sam naučila kako biti uporna i odgovorna, što mi mnogo znači za budućnost.
- Za mene kraj jednog poglavlja znači završetak nečeg važnog i početak nečeg novog.
- Ne bojte se grešaka, one su dio učenja.Trud i upornost uvijek se isplate, ali lijepa sjećanja stvaraju se u malim stvarima.

Alma Salihović IV – 2 Gimnazija

- Super se osjećam,jedva čekam da završim i da idem dalje sa školom.
- Koliko ja znam nisam
- Najljepši trenutak mi je bio kada sam išla sa razredom na ekskurzije.
- Profesori su na mene dobro uticali. Naučila sam dosta stvari u ovoj školi.
- Ja planiram ostati,samo bi mi bilo malo teško izlaziti jer svi odosmo svojim putem.
- Falit će mi drugarice (Arijana i Adna) , i profesorica Nesima.
- Za sad je plan da tražim posao, pa poslije fakultet, kad sebi zaradim malo para.
- Nisam baš sigurna.
- Ne znači mi ništa.
- Samo da nastave učiti.

Manela Škrebo III-8 Trgovinska

- Osjećam se pomalo uzbuđeno , ali i tužno
- Jesam, naučila sam kako se snalaziti u različitim situacijama, raditi u timu i biti odgovorna prema svojim obavezama.
- Najljepši trenuci su mi bili druženja sa razredom i ekskurzije, jer smo tada stvarali najljepše uspomene.
- Profesori su imali veliki uticaj , jer su me naučili važnim stvarima i motivisali da se trudim i budem bolja.
- Naravno, potruditi ću se da održim kontakt sa razrednom, kao što sam održala kontakt i sa razrednikom iz osnovne škole.
- Najviše će mi faliti moje drugarice iz razreda, jer smo svaki dan provodile zajedno.
- Planiram tražiti posao i steći radno iskustvo. Smatram da je važno osamostaliti se i naučiti nove stvari kroz rad.
- Najveći mi je izazov bio uskladiti obaveze i učenje posebno u periodima testova.
- Za mene kraj jednog poglavlja predstavlja veliku promjenu u životu. To je trenutak kada se opraštam od svega što mi je bilo poznato, škole, razreda, profesora i svakodnevnih navika. Iako mi je pomalo žao jer ostavljam lijepe uspomene i prijateljstva, istovremeno osjećam i uzbuđenje zbog onoga što dolazi.
- Moja poruka budućim razredima i maturantima je da uživaju u svakom trenutku školovanja, jer vrijeme zaista brzo prođe. Nekad će biti teško i naporno, ali važno je da ne odustaju i da vjeruju u sebe. Trud i rad se uvijek isplate, zato neka daju sve od sebe, ali i da ne zaborave na druženje i lijepe trenutke sa prijateljima. Škola nisu samo ocjene, nego i uspomene koje ostaju za cijeli život. Također, neka gledaju u budućnost i ne boje se novih izazova, **jer svaki kraj je zapravo novi početak.**

SPORTSKI DAN 26.05.2026. GODINE

„Mentori i podrška : Profesori koji uvijek koračaju korak uz korak sa svojom mladosti“!

SPORTSKI DAN ZA PAMĆENJE

U zdravom tijelu , zdrav duh , a u našoj školi najzdravija i najljepša mladost. Mladost , energija sunčan dan i nezaustavljivi sportski duh - tako bi se u nekoliko riječi mogao opisati ovogodišnji Sportski dan u JU MSŠ Doboj Istok. Naše školske klupe na jedan dan ostale su prazne, ali su zato naši koraci ispunili ulice čistom radošću. Kolona prepoznatljivih bijelih majica, korak po korak disala je kao jedno. Kada profesori i učenici podijele sportske ciljeve, rezultat je uvijek isti – dan ispunjen smjehom, podrškom i nezaboravnim trenucima. Naši učenici su danas šetnjom do zdravlja prohodali put do još jedne predivne zajedničke uspomene.

PONOSNI NA NAŠU MLADOST !



ISPRAĆAJ MATURANATA : DŽENAN HABIBOVIĆ UČENIK GENERACIJE

Uoči svečane maturanske večeri, u predivnoj atmosferi i uz prisustvo profesora, roditelja i gostiju, održan je svečani ispraćaj još jedne uspješne generacije maturanata **Mješovite srednje škole Doboj Istok**. Bio je to dan prepun emocija, ali i trenutak da se nagrade oni koji su tokom četverogodišnjeg školovanja ostavili neizbrisiv trag.

Kao kruna truda, rada i izuzetnih rezultata, Dženan Habibović, učenik Ekonomske škole, zvanično je proglašen Učnikom generacije (2022-2026 g.)



Priznanja i vrijedne nagrade za najboljeg:

Dženanu su u toku ceremonije uručena brojna priznanja i vrijedne nagrade koje su plod njegovog izvanrednog zalaganja:

- ❖ Plaketa učenika generacije, koju mu je ponosno uručio načelnik općine Doboj Istok, Kemal Bratić.
- ❖ Novčana nagrada koju dodjeljuje Fondacija porodice Šefika Konjića, kao podstrek za buduće obrazovanje.
- ❖ Poklon bon autoškole „Alfa“ za besplatno polaganje vozačkog ispita.

PONOS GENERACIJE: ISTAKNUTI MATURANTI

Pored učenika generacije škola je s ponosom istakla i nagradila slijedeće učenike :

- ❖ Anesa Salihović
- ❖ Haris Skopljak
- ❖ Salih Škrebo
- ❖ Čestitamo Dženanu, Anesi, Harisu i Salihu !
- ❖ **Vi ste ponos naše škole!**
- ❖ **Maturanti 2026 g.**



SRETNO MATURANTI

Letite visoko i sanjajte hrabro

Draga generaciji,
dragi naši maturanti, čini se kao da je jučer bio onaj septembar kada ste sa dozom treme i radoznalosti, prvi put kročili kroz vrata srednje škole JUMSŠ Brijesnica Velika , DOBOJ ISTOK. Danas , nekoliko godina kasnije, stojite ovdje ne više kao uplašeni srednjoškolci, već kao zreli, izgrađeni i ambiciozni ljudi spremni da osvoje svijet. Iza vas ostaju ispisane table, pune učionice, rješavanje teških zadataka u zadnji čas i onaj nezamjenjivi zvuk školskog zvona koji je označavao kraj časa, ali i početak vaših velikih odmora, smijeha i planova. Spaja vas mnogo više od ocjena u dnevniku – spajaju vas prebrođeni izazovi, zajedničke ekscurzije, prve prave kafe, povratak u klupe i prijateljstva koja će mnogima od vas trajati za cijeli život. Nadamo se da iz naše škole nosite znanje i vještine koje ste vrijedno sticali i koji će biti vaš najjači alat za budućnost. Uspomene na profesore koji su vas učili, nekad vas i kritikovali , ali koji su uvijek vjerovali u vas. Karakter koji ste izgradili kroz uspone i padove, učeći kako da budete timski igrači i dobri ljudi. Kuda dalje??? Sada se pred vama otvaraju mnoga vrata. Neki će od vas nastaviti školovanje na fakultetima, neki će odmah zakoračiti u poslovni svijet i primijeniti ono što su naučili, ali koji god put da odaberete – Neka bude vaš i neka bude hrabar.

Zapamtite : neuspjeh ne postoji, postoje samo lekcije. Najvažnije je da nikada ne prestanete učiti, istraživati i sumnjati u granice koje vam drugi postavljaju. I na kraju : **HVALA VAM** što ste JUMSŠ DOBOJ ISTOK učinili ponosnom i što ste u njene zidove utkali dio svoje mladosti i energije. **VI STE NAŠ PONOS.**

Sretno u novim životnim pobjedama ! Neka vam putevi budu otvoreni, a vaši snovi dostižni !





Naš glas, naš trag ...

Dragi naši čitaoci ;

Dok okrećete posljednju stranicu ovog drugog broja „Školskog šapata“, nadamo se da ste u svakom retku osjetili energiju, kreativnost i duh naše škole, koji smo se trudili vjerno prenijeti. Od školskih hodnika, do kantonalnih i državnih takmičenja, od humanitarnih akcija, do prvih poduzetničkih koraka – svaki trenutak zabilježen u ovim novinama, dokaz je da smo mi mlada generacija koja stvara, koja suosjeća i koja se ne boji sanjati velike snove.

Ove novine nisu samo skup informacija, one su plod našeg zajedništva, marljivog rada i želje da pokažemo da je JU MSŠ Brijesnica Velika, DOBOJ ISTOK mnogo više od samih ocjena u dnevniku. One su prostor gdje se čuje glas učenika, gdje slavimo uspjehe naših prijatelja i gdje čuvamo uspomene na najljepše srednjoškolske dane.

Hvala Vam što ste nas pratili u ovom broju. Nastavite istraživati, učiti i biti ponos naše škole.

Do slijedećeg čitanja !

Vaša novinarska sekcija...

Voditeljica novinarske sekcije:

Profesorica Amira Durmić.

Članice novinarske sekcije:

Lamija Nurkanović, Nermina Šišić, Emina Hasić, Nermina Nadžaković, Emina Dedić, Sarah Sinanović, Elma Hodžić, Selma Babić, Amela Mujić, Ajla Hodžić, Ajla Batalević, Lejla Mrkanović, Arijana Avdić, Sara Škrebo, i Manela Škrebo.

Dizajn i tehnička priprema:

Članice novinarske sekcije

Izdavač:

Javna ustanova Mješovita srednja škola Doboj Istok, Brijesnica Velika.

Broj 2, juni 2026 .godine

